

Hronika jos nekaznjenog zlocina ( 8 )

KO TO UBI POVRATNICU U POTOCARE PASU MUSTAFIC ?

Bio sam na mnogo teskih mjesta u zivotu, od rudarskih nesreca do ratnih stradanja, godinama gledao izlomljene skelete zrtava genocida u masovnim grobnicama... Ipak,uz njih veceras dodajem i neke slike iz naselja Pecista iznad Potocara. Bilo je to 2005. godine, kada se narod

postupno poceo vratiti u Pecista , na brdo iznad Fabrike akumulatora.

Pravio sam neku pricu u Srebrenici kad puce glas - poturena bomba ubila povratnicu Pasu Mustafic u Pecistima ! Odmah smo krenuli prema Potocarima i do Pecista. Policija i grupa povratnika. Komsije nam rekose da je majka Pasa uredjivala avliju i nastojala malo urediti zivicu pored ulaza u avliju. Zakacila granu za koju je zicom bila povezana bomba.

- Otkud bomba na mjestu gdje nikad ratne linije nije bilo. Desetinu puta dolazio sam kolima u avliju da obidjem majku i pomognem joj u uredjenju kuce. I ona cesto cistila avliju. Vidite da zica nije korodirala -

govorio nam je Safet Mustafic, koji je hitno stigao iz Sarajeva kad je cuo za majcino stradanje.

I sad o prizoru koji smo zajednicki gledali. Ne pamtim da sam vidio toliko krvi od jedne osobe. kao onu koja se slila niz malu kosinu sa ulaza u avliju majke Pase Mustafic.Safet samo rece da nece stati u trazenju

pravde za ubijenu majku.

Godine su prosle, Safet i ja 11 godina stariji, a jos nema pravde za njegovu rahmetli majku Pasu. Njegova sestra me zamolila, kad sam imao tribinu u Berlinu, da joj posaljem snimke maminog stradanja. Ispunio sam svoju obavezu, a mogu samo zamisliti kako je boljelo dok je gledala te slike. Zato, sve koji brinu o sigurnosti u Srebrenici i BiH opet pitam - ko to ubi povratnicu u Potocare majku Pasu Mustafic !







